

Tlamachtilmej para Toteki akinmej tikchiuaj ken Cristo

3-9 DE MAYO

**KEN TECHPALEUIA BIBLIA | NÚMEROS
27-29**

“Jehová amo techikoita uan ma tikchiuakan ken ye”

w13-S 15/6 pág. 10 párr. 14

Jehová amo techikoita

¹⁴ Makuili iknimej siuamej okiluikej Moisés: “¿Tleka itoka totajtsin polius porque amo okipixki nion se ikone tlakatl?”. Ik non, okiluikej Moisés: “Techmaka tlali ijkon ken tikinmakas ikniuan totajtsin”. ¿Tlen okichi Moisés? ¿Okinmilui amo uelis ijkon kichiaskia? Amo. “Okilui Jehová tlen okitlajtlilikjej” (Núm. 27:2-5). ¿Tlen okijto Jehová? Ye okilui Moisés: “Melauak tlen kijtouaj ichpokauan Zelofehad. Xikinmaka tlali ijkon ken tikinmakas ikniuan itajtsin uan moneki tikinmakas tlali tlen itajtsin kiseliskia”. Noijki Jehová okitlali se tlanautil uan okilui Moisés: “Tla se tlakatl ixpoliui uan amo okipixki nion se ikone tlakatl, namejuan moneki ichpoch nankimakaskej tlali” (Núm. 27:6-8; Jos. 17:1-6). Non tlanautil tlen okijto Jehová kinpaleuskia nocthin siuamej israelitas tla kinpanoskia ijkon ken ichpokauan Zelofehad.

w13-S 15/6 pág. 11 párr. 15

Jehová amo techikoita

¹⁵ Tlen Jehová okichi okiteititi tetlasojtla uan amo techikoita. Jehová okinpaleui ichpokauan Zelofehad ijkon ken kinpaleuskia oksekimej israelitas (Sal. 68:5). Tlen opanok kiteititia ken okinchiuili oksekimej itekipanojkauan uan ijkon okiteititi ye amikaj kichikoita (1 Sam. 16:1-13; Hech. 10:30-35, 44-48).

w13-S 15/6 pág. 11 párr. 16

Jehová amo techikoita

¹⁶ Jehová amo techikoita, ¿ken uelis tikchiuaskej ijkon ken ye? Uelis tikteititiskej ika ome tlamantli. Tla amo *timokuayejyekouaj* ken akinmej techikoitaj, amo *titechikoitaskej*. Tinochtin techpaktia *timokuayejyekoskej* amo *titechikoitaj* uan nocthin tikinselaij. Pero ualeua oui tikitaskej tlen melauak tikmachiliaj. Ik non, ¿ken uelis tikitaskej kox nocthin tikintlakaitaj? Ijkuak Jesú斯 okinekiaya kimatis tlen *omokuayejyekouayaj* oksekimej itech ye, okintlajtlani iyolknian: “¿Tlan kimoliah n tlakah de Ne Non onimochi ni tlakati?” (Mat. 16:13, 14). Ma tiktlatlani-kan akin iuan timouikaj kox ikaj tikchikoitaj. Tla techiluia mota ikaj tikchikoitaj porque amo kipia miak tlamantli noso porque oksekan ialtepe, ¿tlen moneki tikchiuaskej? Ma tiktlatlaujtikan Jehová ma techpaleui para amo *titechikoitaskej* ijkon ken ye amo kichiua (Mat. 7:7; Col. 3:10, 11).

Ma tiktemokan ken techpaleuia Biblia

it-2-S pág. 525

Tlamanali

Tlamanali tlen okinokiayaj. Israelitas okitemakayaj tlamanali, noijki okitemakayaj tlamanali tlen okinokiayaj, okachi ijkon okichijkej ijkuak yochantiayaj itech tlali tlen Jehová okinmilui kinmakaskia (Núm. 15:2, 5, 8-10). Okitekitiltiayaj vino, okinoki itech altar (Núm. 28:7, 14; noijki xikita Éx. 30:9; Núm. 15:10). Apóstol Pablo okintlajkuilli tokniuan tlen ochantiayaj Filipos, ye okinmilui: “Maski nechnokiskej ken se tlamanali tlen kinokiaj, nikchiuas tekitl santo, ik non, ne namouan niyolpaki porque nantlaneltokaj uan noijki ijkon nankichijtokej”. Ijkuak ijkon okijto, okiteititi melauak

okinekiaya kinpaleuis tokniuan (Filip. 2: 17, TNM). Ijkuak yikimiktiskiaj okilui Timoteo: “Yinechnokijtoej ken tlamanali tlen kinokiaj uan san niman nimomakixtis” (2 Tim. 4:6, TNM).

10-16 DE MAYO

KEN TECHPALEUIA BIBLIA | NÚMEROS 30, 31

“Ma tikchiuakan tlen tikiluiaj Jehová”

it-2-S pág. 1213 párr. 1

Moneki tikchiuaskej tlen otikijtojkej

Tla ikaj okiluiaya Jehová itlaj kichiwas, omonekiaya kichiwas. Amikaj okichiualtiyaj ijkuak ikaj okijtouaya itlaj kichiwas pero Tlanauatil okijtouaya omonekiaya kichiwas tlen okijo. Kixpoloskiaj tlamo kichiwas (Núm. 30:2; noiji xikita Rom. 1: 31, 32). Ik non, iTlajtol toTajtsin Dios okijtouaya omonekiaya kuali mokuayejyekoskia ijkuak kijtoskiaj tlen kichiwas. Tlanauatil okijtouaya: “Tla tikiluis Jehová moDios itlaj tikchiuas, san niman xikchiua porque Jehová moDios melauak mitstlajtlanilis uan tlamo ijkon tikchiuas, titlajtlakolchiuas. Tla amitlaj tikiluis tikchiuas, amo titlajtlakolchiuas” (Deut. 23:21, 22).

w17.04 pág. 3 párr. 2

“Tlen tikiluiaj Jehová tikchiuaskej, ma tikchiuakan”

² Itech Biblia kijtoa ijkuak tikiluiaj Jehová itlaj tikchiuaskej, tikijtojtoej melauak tikchiuaskej. Se neskayotl, uelis tikiluiskej itlaj tikchiuaskej, itlaj tikmakaskej, peuas okachi tiktekichiuiliskej noso tikiluiaj ayakmo tikchiuaskej seki tlamanli. Ijkuak ijkon tikiluiaj kisa itech toyolo uan amo ikaj techchiualtia. Pero tla tikiluiaj Jehová tikchiuaskej tlen otikiluijkej, ma ti-

kilnamiktokan moneki tikchiuaskej porque ye amo san kajaueilmati. Para toTajtsin Dios melauak tikiluijtoej tikchiuaskej. Nin tlamanli ken ijkuak ikaj kijtoa melauak kichiwas noso amo kichiwas tlen kijtotok (Génesis 14:22, 23; Hebreos 6:16, 17). Ijkon ken kijtoa Biblia, ¿tleka moneki tikpatioitaskej tlen tikiluiaj Jehová tikchiuaskej?

w04-S 1/8 pág. 27 párr. 3

Tlen okachi ipati tlen omotlajtolti itech Números

30:6-8; Uelis se tlakatl kiluis isiuayakmo ma kichiua tlen okilui Jehová?

Jehová kimati sejse uelis kijtos ken kitekichiuilis. Ijkuak tikiluiaj tiktekichiuiliskej amikaj techchiualtia (Gálatas 6:5). Se tlakatl amo uelis kiluis isiuayakmo ma kichiua tlen okilui Jehová. Siuatl amo kijtos itlaj kichiwas tlen amo kajki itech Biblia noso itlaj tlen kichiwas amo kuali ma mouika iuan inamik.

Ma tiktemokan ken techpaleuia Biblia

it-2-S pág. 26 párr. 3

Jefté

Yiuejkika tetajmej uelis kimakaskiaj Jehová inkoneuan para ma kitekichiuilikan itech tabernáculo. Ijkon okipanok Samuel, ijkuak ayamo onesiaya inantsin okilui Jehová kimakaskia para ma kitekichiuli itech tabernáculo. Inamik Ana tlen omotkayotiaya Elcaná, okipaleui ijkon ma kichiua. Ijkuak Ana ayakmo okichichitlaya Samuel, san niman okiuikak tabernáculo. Noiji okiuikak se yolkatl uan okitlamaniili Jehová (1 Sam. 1:11, 22-28; 2:11). Sansón noiji okimaktilijkej Jehová uan okitekichiuli ken nazareo (Juec. 13:2-5, 11-14; noiji xikita ken se teta uelis kiluis ichpoch ijkon ken kijtoua Núm. 30:3-5, 16).

17-23 DE MAYO

KEN TECHPALEUIA BIBLIA | NÚMEROS 32, 33

“Moneki nankinkixtisnej nochtin akinmej ompa chantij”

w10-S 1/8 pág. 23

¿Otikmatiaya?

¿Tlen kijtosneki ikuak Escrituras Hebreas kijtoua “kanin otlaueyichiayaj”?

Ikuak israelitas yichantiskiaj itech tlali tlen Jehová okinmilui kinmakaskia, okinmilui: “Moneki nankinkixtisnej nochtin akinmej ompa chantij uan moneki nankipojpoloskej noch i tlen chijchitok ika tetl, noch estatus tlen chijchitojek ika tepestli uan moneki nankipojpoloskej kanin tlaueyichiayaj” (Números 33:52). Non xamo kijtosneki otlaueyichiayaj kiauak noso ipan tepetl uan okinchijchiayaj altares itlampa se kua- uil noso itech se altepetl (1 Reyes 14:23; 2 Reyes 17:29; Ezequiel 6:3). Okiipayaj altares, teotsitsintin, tlaketsalmej uan okseki tlamantli tlen okitekitiltiaya.

w08-S 15/2 pág. 27 párrs. 5, 6

Amo ma tikchiuakan ken okichiayaj israelitas

Axkan onka miak tlamantli, ik non, uelis techpanos ken israelitas. Itech ninmej tonalmej miakej kipatioitaj miak tlamantli uan yetoskia ken indios: tomin, akinmej panouaj itech televisión noso akinmej mauiltiaj, tekuijkej, akinmej tlayekanaj itech religiones noso infamilia. Tlamo timomaluij, non okachi tikpatioitaskej. Tla timouikaj iuan akinmej amo kitekichiuliaj Jehová, uelis kichiwas ayakmo iuan ma timouikakan.

Yiuejkika israelitas oaulnemiayaj uan noijki ijkon okiueyichiayaj Baal uan ijkon miakej

israelitas okichijkej. Axkan miakej iteki-panojkauan Jehová kinpanoua iikon ken yejuan. Xamo katej inkalijtek uan amikaj kita ikuak kitekitiltijojej se computadora, tlamo momaluij, uelis kitaskej itlaj tlen amo kuali uan ayakmo kuali kipiaskej intlan-namikilis. Teyolkoko tla se tokni peua kita pornografía.

it-1-S pág. 410 párr. 4

Canaán

Josué okichi noch i tlen Jehová okilui Moisés, okinpojpolo akinmej ochantiaj Canaán (Jos. 11:15). Pero israelitas amo okichijkej tlen ye okinnauati uan amo okipojpolojej noch i tlen amo kuali. Omouikayaj iuan Cananeos, ik non, israelitas okichijkej tlen amo kuali uan oixpolikej (omoteuiayaj, oaulnemiayaj uan okiueyichiayaj teotsitsintin). Pero amo ijkon kinpanoskia tla kinmixpoloskiaj Cananeos (Núm. 33:55, 56; Juec. 2:1-3, 11-23; Sal. 106:34-43). Jehová yokinmiluijka israelitas amo san kinpejenaskiaj akinmej kinmixkomakaskia. Ik non, tla yejuan mouikaskiaj iuan Cananeos, inmiuan monamiktiskiaj, kinueyichiaskiaj inteotsitsiuán uan tla kichiaskiaj okseki tlamantli amo kuali, Jehová noijki kinmixpoloskia (Éx. 23:32, 33; 34:12-17; Lev. 18:26-30; Deut. 7:2-5, 25, 26).

Ma tiktemokan ken techpaleuia Biblia

it-2-S pág. 238 párr. 2

Kanin otlamiaya intlal

Ikuak yokichijkej sorteo uan yokitakej tlen tlali kinmakaskiaj, satepan okitayaj kanin tlamiskia intlal. Pero noijki okitayaj kox ueyi intribu. Jehová okinmilui ma kinxe-xelikan tlali ika sorteo pero omonekiaya kitaskej kox miakej itech intribu. Akinmej

okachi miakej okachi ueyi tlali kinmakaskiaj uan akinmej amo miakej amo okachi ueyi kinmakaskiaj. Kanin kinmakaskiaj ompa mokauaskiaj (Núm. 33:54). Ijkuak okichi-uayaj sorteo amo uelis kipatlaskiaj kanin chantiskiaj pero kema okinmakayah okachi tlali tla miakej itech intribu. Ik non, intribu Judá okikuilijkej seki tlali uan okimakakej intribu Simeón (Jos. 19:9).

24-30 DE MAYO

KEN TECHPALEUIA BIBLIA | NÚMEROS 34-36

"Ma tikkauilikan Jehová ma techpaleui"

w17.11 pág. 9 párr. 4

¿Timopaleuiaj itech Jehová?

⁴ ¿Tlen opanoaya tla se israelita amo okinekiaya temiktis? Maski amo okinekiaya temiktis, itlajtlakol okatka porque okimiki se akin amo itlaj okichi (Gén. 9:5). Pero ken amo okinekiaya temiktis, Jehová okitekauiliaya ma kiknomatikan. Akin otemiki omonekiaya yas itech se altepetl kanin omopaleuiaj akinmej amo okinekiayaj temiktiskej uan ijkon amo ikaj kimiktiskia. Pero amo uelis kisaskia itech non altepetl hasta ijkuak mikiskia ueyi teopixki (Núm. 35:15, 28).

w17.11 pág. 9 párr. 6

¿Timopaleuiaj itech Jehová?

⁶ Tla se israelita amo okinekiaya temiktis omonekiaya yas itech altepetl kanin mopaleuiskia uan ijkuak ompa ajsiskia omonekiaya kinmiluis tlayekanajej uan kipaleuiskiaj (Jos. 20:4). Satepan, omonekiaya kikuepaskej kanin otemiki uan kixkomakaskiaj tlen otlayekanaya itech non altepetl (**xiktlajtolti Números 35:24, 25**).

Tla ninmej tlayekanajej okitayah melauak amo okinekiaya temiktis, okikauiliaya ma mokuepa itech altepetl kanin omopaleuito.

w17.11 pág. 11 párr. 13

¿Timopaleuiaj itech Jehová?

¹³ Amo itlaj uelis kichiuliskia akin otemiki ijkuak yokalakiaya itech altepetl kanin sekimej omopaleuiaj. Jehová okijo: "Nonmej altepemej kipaleuiskej" (Jos. 20:2, 3). Jehová amo okinekiaya oksepa ma kixkomakakan akin otemiki. Uan ikalchanejka akin okimikiyek amo okikauiliaya ma kalka itech non altepetl para kimiktis. Tla akin otemiki okatka itech non altepetl kanin omopaleuiaj, toTajtsin Dios okimalujtoka uan amo itlaj kimouiliskia. Amo otsakto-ka akin otemiki, ye uelis tekitiskia, uelis kinpaleuiskia oksekimej uan kitekichiuliskia Jehová ika yolseuclistli. Okichiuya miak tlamantli uan oyolpakiaya.

Ma tiktemokan ken techpaleuia Biblia

w91-S 15/2 pág. 13 párr. 13

Jesús topatka omotemakak para ma timomakixtikan

¹³ Imkilis Jesús amo okinpaleui Adán uan Eva. Tlanauatil tlen okikuilo Moisés ijkintouaya: "Amitlaj xikseli para ma momakixti akin otemiki porque moneki mikis" (Números 35:31). Adán amo okikajkayakej, ye okinek tlajtlakolchiwas (1 Timoteo 2:14). Ik non, nochtin ikoneuan tlajtlakolejkej uan ixpoluij. Adán amo okatka tlajtlakole, amo okinek kitlakamatis toTajtsin Dios, ik non, omonekiaya mikis. ToTajtsin Dios kixnamikiskia itlanauatiluan tla kitemakaskia iKone ipatka Adán para ma momakixti. ¡Ye okitemakak iKone para kinmakixtis nochtin ikoneuan Adán! (Romanos 5:16). Jehová okitemakak iKone, ijkon uelis kitlajtlamis nochi tlen techtlajyouiltia. Jesús topatka

okimikijkej uan yetoskia ken kiuika nochitotlajtlakol (Hebreos 2:9; 2 Corintios 5:21; 1 Ped. 2:24).

31 DE MAYO-6 DE JUNIO

KEN TECHPALEUIA BIBLIA | DEUTERONOMIO 1, 2

“San toTajtsin Dios kinamiki tlaixkomakas”

w96-S 15/3 páq. 23 párr. 1

Jehová nochí kichiua ken moneki uan ika
melajkayotl

Tlayekankej moneki kiyektlaliskej ikaj tlen otlaajtlakolchi (1 Corintios 5:12, 13). Ijkuak tlayekankej ijkon kichiua, kilnamikij ijkuak Jehová itlaj kichiua ika melajkayotl, no-ijki teiknomati. Pero amo kiknomati akin tlajtlakolchiua uan amo moyolkopa. Tla- yekankej kikixtaj akin tlajtlakolchiua pero non amo kijtosneki ijkon kichiua porque momakopaj. Yejuan kikixtaj porque kine- kij ma tlalnamiki (noijki xikita Ezequiel 18: 23). Tlayekankej kikauiliaj Jesús ma kinye- kana, ik non, kichiua tlen kuali uan yejuan yetoskiaj ken “itlaj kanin ikaj motlatis ij- kuak ejeka” (Isaías 32:1, 2). Ik non, moneki teajsikamatiskej uan amo techikoitaskej (Deuteronomio 1:16, 17).

w02-S 1/8 pág. 9 párr. 4

Ma tikkauilikan Jehová ma techyekana

4 Israelitas tlen okatkaj jueces omonekiaya kimatisej tlen okijtouaya Tlanautil. Israe-litas tlen yokipiayaj miak xiuitl, ken noijiki okatkaj tlajtlakolejkej, amo omonekiaya kichiuaskej seki tlamantli: amo omonekiaya tlaixnekiskej, techikoitaskej nion san intech motekipachoskej para ijkon kuali teixkomakaskiaj. Moisés okinmilui: “Ijkuak ikaj nankixkomakaskej, amo xikchikoitakan.

Xikkakikan akin amo kipia miak tlaman-tli uan akin kipia miak tlamantli. Amikaj xikmauilikan porque *Jehová kinamiki tlaix-komakas*". Jueces tlen okatkaj ompa Israel, otlaixkomakayaj ipatka toTajtsin Dios, ik non, omonekiaya kichiwaskej ken ye okij-touaya (Deuteronomio 1:16, 17).

Ma tiktemokan ken techpaleuia Biblia

w13-S 15/ 9 pág. 9 párr. 9

Tlen techiluia Jehová melauak

⁹ Yiuéjkika israelitas opejkej yauij kanin tlaueki, ompa okatka tlaueyi uan temomojti uan ompa panoskiaj kanaj 40 xiuitl. Jehová amo okinmilui ken kinyekanaskia uan ken kinmaluiskia. Pero nochipa okinmititi uelis kineltokaskiaj tlen okinmiluiaya uan kinpa-leuiskia. Jehová okinmititi okinpaleuijitiaya ikuak opanotiyaj kanin tlaueki porque tlajka okitlaliaya se ueyi mixtli uan youak okitlaliaya tlitl (Deut. 1:19; Éx. 40:36-38). Noijki okinmakak tlen ika mopanoltiskiaj, “amitlaj okinpolo, amo otlajtlanki intlaken uan inmikxiuan amo opojposauakej” (Neh. 9:19-21).

7-13 DE JUNIO

KEN TECHPALEUIA BIBLIA | DEUTERONOMIO 3, 4

**“ITlanauatiluan Jehová techpaleuiaj
ma tiyetokan tiixtlamatkej”**

it-1-S pág. 821 párr. 6

Akin kajsikamati tlen moneki

Ikaj akin kimachtiaj uelis yetos okachi ixtlamatki uan uelis kajsikamatis tlen moneki maski ayamo kipia miak xiuitl tla nochipa momachtia uan kichiua tlen kijtoua iTlajtol toTajtsin Dios (Sal. 119:99, 100, 130; noijkei xikita Luc. 2:46, 47). Ijkon kipanoua porque

kintlakamati itlanauatiluan. Tla israelitas ijkon kichiaskiaj, oksekimej altepemej kitaskiaj okatkaj ixtlamatkej uan okajskamatiyaj tlen omonekiaya (Deut. 4:5-8; Sal. 111:7, 8, 10; noiji xi kita 1 Rey. 2:3). Akin kajsikamati tlen moneki, kajsikamati amo kichijtok tlen kijtoua iTlajtol toTajtsin Dios uan kineki kichiwas tlen ye kijtoua, ik non, kiluia ma kipaleui (Sal. 119:169). Noiji kikauilia iTlajtol toTajtsin Dios ma kalaki tla-ijtik (Mat. 13:19-23), kikauilia ma ajsi itech iyolo (Prov. 3:3-6; 7:1-4) uan kikokolia nochi tlen amo kuali (Sal. 119:104). Ijkuak iKone toTajtsin Dios okatka nikan tlaltik-pak okiteititi okatka ixtlamatki. Amo okijto amo ma kimiktikan itech se kuauitl porque iTlajtol toTajtsin Dios okijtouaya omonekiaya ijkon kimiktiskej (Mat. 26:51-54).

w99-S 1/11 pág. 20 párrs. 6, 7

Ijkuak Jehová ikaj kiteochiua

Siuatl tlen otlanauatiaya ompa Saba okitlajtlachialti tlen okitak, ik non, okilui tekiua Salomón: "Yolpakij tlakamej uan motlakeualuan tlen nochipa mouan katej porque kikaktokej moixtlamatilis" (1 Reyes 10: 4-8). Amo okijto oyolpakiayaj porque okipaiyaj miak tlamtli, okijto oyolpakiayaj porque nochipa okikakiyaj ixtlamatilis tlen toTajtsin Dios okimakak Salomón. Axkan itekipanojkauan Jehová kichiuj ken siuatl tlen otlanauatiaya Saba, kikakij ixtlamatilis toTajtsin Dios uan ixtlamatilis Jesucristo.

Noiji ma tititakan tlen okseki okilui siuatl Salomón: "Ma moueyichiua Jehová moDios" (1 Reyes 10:9). Okitak Jehová okimakak ixtlamatilis uan nochi tlen okipaiya. Ijkon opanok tlen Jehová okinmiluijka israelitas. Ye okinmilui: "Moneki nankichiwaskej nochi tlen namechnauatia porque ijkon okseki altepemej nankinmititiskej nanixtla-

matkej uan nankajskamatij tlen moneki porque nankipiaj nonmej tlanautilmej, ik non, yejuan kijtoskej: 'Nin altepetl ixtlamatki uan kajsikamati tlen moneki'" (Deuteronomio 4:5-7).

w07-S 1/8 pág. 29 párr. 13

¿Kuali timouikaj iuan Jehová?

¹³ Ijkuak Jehová kinteochiua itekipanojkauan nochipa kinmaka tlen okachi kuali (Santiago 1:17). Ma tikilnamikikan kanin okinmakak tlali israelitas, okatka "leche uan neujtli". Noiji israelitas okijtokej nonmej tlajtolmej ijkuak okijtokej ken okatkaj ompa Egipto. Pero tlali tlen Jehová okinmakak israelitas okse tlamtli okatka. Moisés okinmilui israelitas Jehová okimaluiaya non tlali. Kijtosneki israelitas kuali yetoskiaj porque Jehová kinmaluiskia. Uan ijkon opanok, ijkuak okitlakamatiyaj ye sapanoua okinteochiaya uan kuali okatkaj, amo ken oksekimej tlen ochantiajaj itech okseki altepemej. Non kiteititia "itlateochiualis Jehová non tlen okachi tlapaleuia" (Números 16:13; Deuteronomio 4:5-8; 11:8-15).

Ma tiktemokan ken techpaleuia Biblia

w04-S 15/9 pág. 25 párr. 3

Tlen okachi ipati tlen omotlajtolti itech Deuteronomio

4:15-20, 23, 24. Jehová amo kipaktia ma tikinchijchiuakan teotsitsintin, ¿kijtosneki non amo kuali tikinchijchiwaskej estatusas para ika titlachijchiwaskej tokalijtik? Amo. ToTajtsin Dios okinnauati israelitas amo ma kinchijchiuakan teotsitsintin para ma kinueyichiuan, amo inmixpan ma 'motlankuaketsakan nion ma kintekichiuiikan'. Pero Biblia amo kijtoua tlajtlakoli ma tikinchijchiuakan estatusas para ika titlachijchiwaskej tokalijtik (1 Reyes 7:18, 25).

14-20 DE JUNIO

KEN TECHPALEUIA BIBLIA | DEUTERO-NOMIO 5, 6

“Tetajmej xikinmachtikan namokoneuan ma kitlasojoatlakan Jehová”

w05-S 15/6 págs. 20 párr. 11

Tetajmej xikinpaleuikan namofamilia

¹¹ Itech iTlajtol toTajtsin Dios, tlen kijtoua Deuteronomio 6:5-7 noiji ijkuitilitok itech okseki versículos. Xiktlajtoltikan non-mej versículos. Ompa kiteititia tetajmej acho moneki kitlasojoatlaskej Jehová uan kitlakamatiskej. Namejuan moneki nochipa nankitlajtoltiskej uan nanmokuayejeyskej tlen kijtoua iTlajtol toTajtsin Dios uan ijkon nankajskamatiskej, nankipatioitaskej itlanauatiluan uan principios bíblicos. Ijkon itech namoyolo nankipiaskej tlen tlamach-tia Biblia, non namechpaleuis xiylapakian uan okachi nankitlasojoatlaskej Jehová uan ijkon uelis nankinmachtiskej namokoneuan miak tlamantli kuali (Luc. 6:45).

w07-S 15/5 págs. 15 párr. 5

¿Ken kuali nankinmachtiskej namokoneuan?

Ika tlen nankijtouaj uan ika tlen nankichiuj nankiteititiaj tlen okachi namokuayejeyskouaj uan tlen nankipatioitaj (Romanos 2: 21, 22). Ijkuak namokoneuan tsikitsitsinten peuaj kichiuj seki tlamantli porque na-nmechitaj ijkon nankichiuj. Namokoneuan kitaj tlen nankipatioitaj uan ijkuak moskaltiaj ualeua non kipatioitaj. Yejuan kitaskej nankitlasojoatlaj Jehová porque nankipatioitaj nankitlajtoltiskej uan nanmomachtiskej Biblia. Noiji kitaskej nankipatioitaj nankitekichiuliskej (Mateo 6:33). Ijkuak nochipa nanmonechikouaj uan nantetlapo-

uiaj, namokoneuan kitaskej nankipatioitaj nankiueyichiasej Jehová (Mateo 28:19, 20; Hebreos 10:24, 25).

w05-S 15/6 págs. 21 párr. 14

Tetajmej xikinpaleuikan namofamilia

¹⁴ Deuteronomio 6:7 kiteititia tetajmej nochipa moneki kintlapouskej inkoneuan tlen kichiua toTajtsin Dios. Maski kanaj yajtoskej, tlachipajtoskej inkalijitik noso moseujtoskej, uelis kinmachtiskej ken mouikaskej iuan toTajtsin Dios. Non amo kijtosneki san nankinmiluijtoskej tlen kijtoua Biblia, moneki kinyolchikauas uan kinpaleuis ma mouikakan iuan Jehová. Revista *¡Ma titlachixtokan!* tlamachtia miak tlamantli tlen namechpaleuis inmi-uan ximotlapouikan, ken okichijchi yolkamej toTajtsin Dios, ken okichijchi nochchi tlen onka tlaltikpak, ken tlatlamantli mokuayejeyskouaj tlaltikpaktlakamej uan tlen kichiuj. Tla ijkon nankitlapouiaj namokoneuan, okachi kinekiskej kintlajtoltiskej amatlajkuilolmej tlen techmaka “tlakeuali yolmelajki uan ixtlamatki” (Mateo 24:45-47, TNM).

Ma tiktemokan ken techpaleuia Biblia

w19.02 págs. 22 párr. 11

Jehová okintlasojoatlaya israelitas uan okiteititi melajkayotl

¹¹ ¿*Tlen techmachtia?* Jehová kimiati tlen tikpiaj itech toyolo uan tlen tikmachiliaj (1 Sam. 16:7). Amo uelis itlaj tiklatiliskej porque kimiati tlen timokuayejeyskoaj, tlen tikmachiliaj uan tlen tikchiuj. Ye kitemoa tlen kuali tikchiuj uan techpaleuia nochipa ma tikchiuakan tlen kuali. Pero kineki ma tikitakan tlen amo kuali timokuayejeyskoaj uan san niman ma tikixtopeuakan non tlamanantli (2 Crón. 16:9; Mat. 5:27-30).

21-27 DE JUNIO

KEN TECHPALEUIA BIBLIA | DEUTERO-NOMIO 7, 8

"Amo ximokauakan inmiuan nanmonamiktiskej"

w12-S 1/7 págg. 29 párr. 2

¿Tleka toTajtsin Dios okinmilui israelitas san inmiuan ma monamiktikan?

ToTajtsin Dios okimatiaya Satanás kichiuaskia san tlen tlamatli uan iikon israelitas kinueyichiaskiaj teotsitsintin. ToTajtsin Dios okinneymachi israelitas, okinmilui tla monamiktiskiaj iuan akinmej amo okueyichiayaj, ayakmo kitekichiuiliskiaj uan kinueyichiaskiaj teotsitsintin. Tla iikon kinpanoskia, Jehová ayakmo kinseliskia uan ayakmo kinmaluiskia uan iikon akinmej okinkokoliayaj amo oui kinmoaxkatiskiaj. Uan tla iikon panoskia, ¿ken nesiskia Mesías itech altepetl Israel? Ik non, Satanás okinekiaya israelitas ma monamiktikan iuan akinmej amo okitekichiuiayaj Jehová.

w15 1/3 págg. 19 párr. 2

Ximonamikti san iuan akin "kineltoka Toteko Dios" ¿uelis iikon tikchiuas?

Pero Jehová kijtoa san moneki timonamiktiskej iuan akin kitekichiulia. ¿Tleka? Pampa ye kimati tlen uelis techpaleuis uan noijki kineki techmaluis. Ye amo kineki ma tikpejpenakan tlamatli tlen techtlajyouiltis. Ijkuak okatka teotlajtojki Nehemías miakej israelitas omonamiktiskej iuan siuamej akinmej amo okitekichiuiayaj Jehová. Ik non, Nehemías okinmilnamikti tlen okipanok ueyi tekua Salomón. Okinmilui toTajtsin Dios okitlasojtlaya Salomón uan okitlali ken ueyi tekua. Pero Salomón omonamikti

ian siuamej akinmej amo okitekichiuliajaj Jehová, uan okichijkej ma tlajtlakolchiua (Nehemías 13:23-26). Jehová san kineki kuali ma tiyetokan. Ik non, ye techiluia san moneki ma timonamiktikan iuan akinmej kitekichiuliaj (Salmo 19:7-10; Isaías 48:17, 18). Tikmatij ye kinamiki techiluis tlen uelis tikchiuaskej uan tlen amo moneki ma tikchiuakan. Noijki tiktlasojkamatiliaj nochi tlen techiluia, pampa techtlasojtla uan kineki kuali ma tiyetokan (Proverbios 1:5).

w15 15/8 págg. 24 párr. 12

Kuali xikinpejpena moyolknuan itech sakiatlami tonalmej

¹² Tla tiknekij timonamiktiskej moneki ma timomaluikan. Biblia techiluia amo ma tinemikan iuan akin amo kitekichiulia Jehová, pampa tikatej ken "tlawili iwa n tleyuálistli" (2 Corintios 6:14). Biblia noijki kijtoa san moneki ma timonamiktikan iuan akin "kineltoka Toteko Dios" (1 Corintios 7:39). Nin kijtosneki san moneki timonamiktiskej iuan se iTlaixpantijka Jehová tlen yomoapolakti uan kitlakamati itlanauatiluan toTajtsin Dios. Tla timonamiktiaj iuan akin kitlasojtla Jehová, uelis techpaleuis ma tiyetokan tiyolmelajkej iixpath Jehová.

Ma tiktemokan ken techpaleuia Biblia

w04-S 1/2 págg. 13 párr. 4

Jehová mojmostla techmaka tlen ika timopanoltiskej

⁴ Ijkuak tikiluajaj Jehová ma techmaka tlen ika timopanoltiskej noijki moneki tikilnamiktoskej mojmostla moneki timomachtiskej. Maski Jesús oapismikiaya, tetl amo okikopki pan ken okilui Satanás. Jesús okilui: "Itlajkuilol Dios kijtoa: 'N tlakatl amo san ika paj yolitok, yej noiwa ika nochi tlájtoli non Dios kijtoa'" (Mateo

4:4). Ijkuakon Jesús okijo tlen okijto-ka profeta Moisés, ye okinmilui israelitas: “Omitspinaui uan okika xiapismiki uan omitsmakak maná tlen motatajuan uan te amo onankixmatiayaj, para ijkón tik-matiskia tlaltikpaktlakatl amo san moneki kipias tlen kikuas, noiji moneki kikakis nochí tlen kijtoua Jehová” (Deuteronomio 8:3). Jehová okinmakak israelitas maná para kipiaskiaj tlen kikuaskiaj pero noiji okinmakak para itlaj kinmachtis-kia. Mojmostla omonekiaya kololoskiaj san tlen kikuaskiaj. Tla miak okololoua-yaj, tlen omokauaya mostlatika otsojyaya uan ochakalouaya (Éxodo 16:4, 20). Pero amo ijkón opanouaya ijkuak oajsiaya chikuase tonal, se tonal achtó ajsis-kia tonal sábado omonekiaya kololoskiaj miak para ijkón kipiaskiaj tlen kikuaskiaj non tonal (Éxodo 16:5, 23, 24). Maná tlen Jehová okinmakak israelitas okinmilna-miktiaya omonekiaya kitlakamatiskej uan amo san kipiaskiaj tlen kikuaskiaj, noiji omonekiaya kikakiskiaj nochí tlen Jehová okijtouaya.

28 DE JUNIO-4 DE JULIO

KEN TECHPALEUIA BIBLIA | DEUTERO-NOMIO 9, 10

“¿Tlen mitsiluia Jehová xikchiua?”

w09-S 1/10 págs. 10 párrs. 3, 4

¿Tlen techiluia Jehová ma tikchiuakan?

¿Tlen techyolinis ma tiktakamatikan Jehová? Deuteronomio 10:12 kijtoua: “Xiktlakamati Jehová moDios”. Moisés amo okijo ma timomojtikan porque titlajtlakolejkej. Kijtos-neki moneki tikintlakamatiskej itlanauatiluan Jehová uan ijkón amo tikchiuaskej itlaj tlen kiyolkokos.

¿Tlen mitsyolinis xiktlakamati toTajtsin Dios? Moisés okijo moneki tiktakamatiskej Jehová ika nochí toyolo uan toyolis (versí-culo 12). Kijtosneki moneki tiktakamatiskej porque kitlasojojlaj. Pero tiktasojojtlaskej toTajtsin Dios amo san kijtosneki itlaj tik-machiliskej. Se amochtli kiyekijtoua “itech hebreo ijkuak ikaj itlaj kimachilia ualeua noiji kiyolinia itlaj ma kichiua”. Ik non, ijkuak ikaj kitlasojojtlaskej toTajtsin Dios kiteititia ika tlen kichiua. Tla melauak tiktasojojlaj, nochipa tikchiuaskej tlen kipaktia (Proverbios 27:11).

w09-S 1/10 págs. 10 párr. 6

¿Tlen techiluia Jehová ma tikchiuakan?

Tla tiktakamatij Jehová, kuali tiyetoskej. Itech Deuteronomio 10:13 Moisés okijo: “Xikintlakamati itlanauatiluan Jehová [...] para kuali tiyetos”. Maski san tlen techiluis Jehová ma tikchiuakan, non techpaleuis. Ma tikilnamikikan toTajtsin Dios “Ye n tlasojojlálistli” (1 Juan 4:8). Tlen tech-nauatia ma tikchiuakan techpaleuia axkan uan noiji techpaleuis satepan (Isaías 48: 17). Tla tiktakamatij tlen techiluia, amo titlajyouiskej uan satepan toTajtsin Dios techteochijtos ika iTekiuajkayo.

cl-S págs. 16 párr. 2

¿Uelis timouikaskej iuan toTajtsin Dios?

² Yiuejkika Abrahán kuali omouikaya iuan toTajtsin Dios, ik non, ye okijo “Abrahán noyolikni” (Isaías 41:8). Ye okitaya Abra-hán ken iyolikni, iuan omouikaya porque itech otlaneltokak (Santiago 2:23). Axkan Jehová noiji mouika iuan akinmej kitekichi-tiliaj porque kitlasojojlaj (Deuteronomio 10: 15). ITlajtol toTajtsin Dios techyoleua itlaj ma tikchiuakan uan noiji ye techiluia tlen kichiwas. Ompa kijtoua: “[Ximotokikan] inawak Dios, iwa Ye [motokis] nomonawak” (Santiago 4:8).

Ma tiktemokan ken techpaleuia Biblia

it-1-S pág. 133

Anaquim

Anaquim okatkaj tlakamej uejkapantikej uan ochantiayaj itech tepeyo Canaán. Itempa mar uan ik sur Canaán. Ahimán, Sesai uan Talmai ochantiayaj Hebrón uan miakej okinmixmatiayaj (Núm. 13:22). 12 tlakamej tlen okintitlankej ma tlachiatij Canaán amo keman okinmitayaj tlakamej uejkapantikej. Majtlaktli tlakamej okinmojtijkej nonmej tlakamej, ik non, okijtojkej okatkaj inkoneuan nefilim tlen oixpolikej ijkuak oatemik tlaltikpak uan inmixpan israelitas omotayaj ken chapulimej (Núm. 13:28-33; Deut. 1:28). Ik non, hasta okijtouayaj Emim uan Refaím okatkaj uejkapantikej ken tlakamej anaquim. Ken sapanoua chikauakej okatkaj, okijtouaya: “¿Akin uelis kinmixnamikis ikoneuan Anac?” (Deut. 2:10, 11, 20, 21; 9:1-3).

